

行策大師警語菁華

淨空學

一、苟無真信，雖念佛、持齋、放生、修福，祇是世間善人，報生善處受樂，當受樂時即造業，既造業已必墮苦。

二、莫輕未悟，一念回光，便同本得。

三、若不專念，求生彼國，必至隨業流轉，受苦無量。

四、心性無二，自然感應道交。我之苦切必能感，佛之慈悲必能應。

五、佛念眾生，如母憶子，若眾生心，憶佛念佛，現前

當來，必定見佛，去佛不遠。

六、具足真信，雖一毫之善，一塵之福，皆可回向西方，莊嚴淨土。

七、修行別無要術，但真信願生，一向專念，則一切行履，無煩改轍。

八、名心永盡，素願攸同，時節因緣，幸常集會，庶他生為親近之津梁，此世為助發之資具，願交勉焉。

九、真歇和尚云：佛佛授手，祖祖相傳，惟此一事，更無餘事。世尊說法四十九年三百餘會，獨於淨土之教，諄諄讚說，是為超凡入聖之捷徑乎！

十、苟得往生，則橫截五道，頓超不退。倘若娑婆事業

，在在縈懷，一暴十寒，心不專篤，遇五欲時，如膠如漆，遭逢逆境，結怨銜恨，而欲命終彼佛接引，豈非難事？由此觀之，淨土法門，藥也；娑婆貪愛，忌也。服其藥復飽食其忌，可乎！

十一、凡我同倫，宜各痛念娑婆險惡，早求出離六道，捨穢取淨，毋驚虛名、毋執空見、毋受高帽禪和口頭三昧惑亂、毋求旦夕速效，動諸魔事。恆以念佛為正行，勉修眾善為助行，淨念相繼，願行相資，自然千穩百當。

十二、一心念佛，以求速生安養，然後乘本願輪，運大慈悲，分身散影於十方刹土。尋聲救苦如觀世音，誓空地獄如地藏王。拔一切眾生苦，與一切眾生樂。攝一切眾生，同覲彌陀，究竟安穩，方是丈夫。望諸上善友，幸審擇之。

十三、華嚴末後處，以十大願王導歸極樂。惟今生安養世界，惟願見阿彌陀佛，其專切勸發，反覆叮嚀，具在行願品中。

十四、善男子、善女人，專念西方阿彌陀佛，以諸善根，回向發願，決定得生，永不退轉，親近彌陀。

十五、阿彌陀佛，即法界藏身。極樂世界，即蓮華藏海。見一佛，即是見無量佛。生一刹，即是生無量刹。念一佛，即是念一切佛，即為一切佛所護念。以法

身不二故、生佛不二故、能念所念不二故也。

六、吾觀今之富貴利達者，或貪粗敝聲色，不知苦本。或著蝸角虛名，不悟虛幻。或復愛殖貨利，會計經營。現在碌碌一生，將來隨業流轉。彼佛剎中，依正莊嚴，無量勝妙樂事，不聞不知。從生至死，未曾發一念向往之心，反不如窮愚困厄之夫多能念佛，從冥入明，轉生勝處也。

七、具真實願，發忻厭心：視三界如牢獄、視家園如桎梏、視聲色如鳩毒、視名利如韁鎖、視數十年窮通際遇如同昨夢、視娑婆一期報命如在逆旅。信宿捨離，惟以一心念佛，願共同生淨土。

八、念佛令功行不虛者，勤策身心，寸陰是惜，況命在呼吸，豈能長久？如囚赴市，步步近死，直需孜孜晝夜，矻矻暑寒，一句洪名，無時間歇，淨土決定可生，慎勿銳始怠終。

九、專求出離，不求世間福報，亦不求功德智慧辯才悟解。與夫世世為僧，興顯佛法等願。惟願命終得生彼國，脫生死苦。此願直須刻刻現前，專念彌陀，自然得生，所貴諦信力行，惟專惟一，始克有濟。

十、共住同行，宜防身護口，謙恭隨順，互相砥礪，互為標榜。每日恆課，不得懈怠廢缺，行住坐臥，不忘念佛。恆課外，勿放身心空過，不得閒談雜話，

放逸戲笑，誤己妨人。不得披覽外書，吟詠詩偈。非唯唐喪光陰，亦乃孤負檀越。應當自嚴自重，努力精進。

三、持名貴在一心不亂，無間無雜，非必以快念、多念為勝也。但不緩不急，密密持名，使心中佛號歷歷分明。著衣吃飯、行住坐臥，一句洪名，綿密不斷。如是持名，可謂事上能一心精進矣！

三、體究萬法皆如，無有二相。所謂生佛不二、自他不二、因果不二、依正不二、淨穢不二、苦樂不二、欣厭不二、取捨不二、菩提煩惱不二、生死涅槃不二。是諸二法，皆同一相，一道清淨。體究之極，

與自本心忽然契合。方知著衣吃飯，總是三昧。嘻笑怒罵，無非佛事。一心亂心，終成戲論。二六時中，覓毫髮許異相不可得。如是了達，方是真正學道，一心精進持名也。此兩種一心，皆是凡夫邊事。凡有心者，皆可修學。

三、念佛一門，藉彼佛勝願力故，不論有智無智、上中下根，但執持名號，一心不亂，七日乃至一日，即是多善根福德因緣、即蒙彌陀聖眾接引、即為十方一切諸佛護念，是為不可思議異方便，惟其異故勝也。

四、凡聖同居土，權實聖賢與博地凡夫共居，惟此淨土

，仗諸佛攝受力故，不須斷惑，帶業往生。上智即能頓淨四土，下愚亦可三界橫超。無煩九次第修，不俟三僧祇証，是為不思議異方便，故勝也。

二五如此最勝獨異法門，釋迦殷勤示勸，恆沙如來廣舌讚揚，豈欺我哉！

二六佛法有無量門，有難有易。欲易行疾至，應當念佛，稱阿彌陀佛名號，疾得無上菩提。

二七五濁惡世，求阿鞞跋致（不退轉）甚難。若信念佛三昧，乘彼佛願力，攝持接引，決定往生。不假方便，自得心開，生生不退，佛階可期。

二八淨土廣攝諸根，咸登不退。大本三輩，上品以解悟為本，中品以戒善為本，下品純惡無善，惟臨終遇善友，一念信心，滅罪往生。

二九悟後求生者，藉極樂境緣，結習易斷，三昧易修，速成忍力，度諸眾生也。未悟求生者，為親近彌陀，易於見性，永明所謂，但見彌陀，何愁不開悟是也。

三〇禪淨二門，各宜專務，不必兼修。但彼此相非，深昧佛旨。經云：不謗大乘，則謗者不生，可知也。

三一經云：娑婆世界修行一晝夜，勝於極樂世界行善百歲。蓋以此土難於進修，彼土易為功力故也。例此而言，則風塵世路中修行一日，勝於深山淨刹修行

百千日，無疑矣！是故帝鄉可遊也，紅塵可入也。所謂淨願不可忘也，淨行不可缺也。嗟乎！風塵亦何能染人？第恐人自染風塵耳。

三、心作南車，願為先導，處處道場，時時佛事。淨願淨行，常得現前，自然達清泰之上邦，面無量之壽聖。

三、當念流光如駛，衰老日侵，勿虛度好時節。定課外有餘暇，但只加持佛號。若楞嚴咒、大悲咒等，客路俱不必也。

三、暇莫暇於不失時。富莫富於常知足。強莫強於勤精進。

五、今時淨業人終日念佛、懺罪、發願，而西方尚遙。

往生弗保者無他，情與愛猶未拔除故也。若能將娑婆恩愛，視同嚼蠟，不管忙閒動靜，苦樂憂喜，靠著一句佛號，一切境緣，無能動搖。煩惱魔軍、無始情識，銷鑠無餘。此人雖現處五濁之鄉，已渾身坐在蓮華國裡，又何待彌陀授手，觀音勸駕，而始信其往生哉？

六、古云：愛不重不生娑婆。又云：道念若同情念，則成佛多時。聖果以還，鮮有不被其繫累者。煩惱無盡，而生死根本，則唯貪愛能漂溺行人，障往生法。但情愛一分疏淡，則淨業一分成熟。勉之！

三末法澆漓，人趨詐偽。唯以淨業棲心，則慧芽增長，道種成熟。異日佛前，蓮華化生，便是上上根人也。

三、經云：諸佛正徧知海從心想生。眾生心想佛時，是心即是三十二相、八十種好。是心作佛，是心是佛，只此數語，便是念佛三昧秘要。一切觀門，無不從茲流出。

三、大集經云：若人但念彌陀佛，是名無上深妙禪。至心想像見佛時，即是不生不滅法。

三、智覺禪師云：一念相應一念佛，念念相應念念佛。

四、佛是本覺之理，念即始覺之智。故知正念佛時，始本會合，理智冥契，能所俱忘，自他不二。無念外之佛為念所念，無佛外之念能念於佛。超情越見，離句絕非，直捷圓頓，無過此者。除卻念佛外，豈別有妙觀可成耶？

四、餘光有幾？至穩至易之途，僅以六字真言勸勉。此是海上奇方，能療急病。標本齊治，緩急咸宜，貴在深信、力行、專持耳。

四、若其心念念厭離五欲，繫想阿彌陀佛。願樂親近，如子憶母。不為業境之所牽，不為他岐之所惑，決之西方，定於極樂世界，蓮華化生，見佛受記。

四、必不雜人天渴愛、不混凡夫之濁、不沾魔外之惡、

不墮二乘、不同權教，決擇善法，修習令滿，止於至善。

翌眼常瞻佛相、耳常聞佛教、鼻常觸佛香、舌常稱佛號、身常禮佛像、意常緣佛法。六根所注，無非佛境。如是相繼，無間無雜。

哭、了知生佛一如、心土不二，託彼依正，顯我心性。既不迷性外有佛，亦不執彼土非心。不假方便，自得心開，最勝極異方便，普攝行人，歸于淨土。

哭、為末世對治重障，以煩惱雖多，惟姪欲為生死根本，最能障往生法。故令行人觀凡夫身內姪火，即如來藏性空真火。循業發現，深觀得悟，成智慧光，

非唯不障往生，且能將送行人托上上品。所以淨名讚姪怒痴。以其體即藏性，而染淨功用，在反掌間耳。

哭、諸經廣讚淨土，曰：不可思議功德。曰：世間難信之法。曰：一切佛護念。曰：無上深妙禪。曰：勝異方便。曰：三昧中王等。奈末世眾生，偏於念佛法門，好起疑惑。乃至破他淨信，障他善行。薄福少智人，往往習氣如是。

哭、蕭然若寄，長齋事佛，淡泊無欲，操修問道。

哭、往生證悟之後，又當睽此娑婆，再來僑寓，將護眾伴，誘掖群迷。更於異域，殊方分身，應跡往來三

界，終不疲厭。

五、明則不昏，靜則不散。明靜是止觀之效，定慧之體，亦即心之本體。止觀是功夫，定慧是因行，明靜是功效。明靜之極，頓合本體。若至果上，即成佛智二嚴。

五、身心寂定，止也。觀佛毫相，觀也。毫相歷然，明也。堅住不動，靜也。所謂託彼身相，熏我心性。觀智若成，自然顯現。

五、修觀須了萬法唯心。經云：心如工畫師，造種種五陰，一切世間中，莫不從心造。故知彌陀相好，自是我心本具，定中所現，亦是我心造出。是心作相

好，是心是相好。不從他得，不向外來，如是了達，方名如法修觀也。

西、古德頌云：境為妙假觀為空，境觀雙亡即是中，亡照何曾有前後，一心融絕了無蹤。境觀圓融妙理，四句總攝無遺。透此妙偈，勝讀台宗數百卷書。

五、淨業行人，一心持名，往生可保。兼修妙觀，託品必高。

五、一句南無阿彌陀佛，不絕於心、口、耳間。使雜妄無間可乘、眾魔無路可入，神意怡悅，一塵不染，信願已堅，勝緣欣遇。